



GUARDIANAN DI SEGURIDAD LAGA DEN LIBERTAD

Recherche riba un bon caminda cu interogacion di van der Sloot

ORANJESTAD (AAN)— Ayeranochi, fiscal a informa e abogadonan respectivo, esta Noraima Pieters y Chris Lejuez riba e decision di laga den libertad e dos guardianan di seguridad cu a ser deteni en relacion cu e caso di Natalee Holloway. Abraham Jones y Nick John a keda den libertad ayeranochi y nan a keda masha contento cu e decision aki. Datonan a cuminsa leak ora cu John a declara na prensa cu mientras cu e tabata cera, un di e otro sospechosonan den e caso aki, esta Deepak Kalpoe, kende tabata cera banda di su cel, papiando cune a conte, sin sa cu e tambe tabata un di e detenidonan, cu ora cu nan a sali for di Carlos & Charlie's, su ruman tabata sinta banda di dje, mientras cu van der Sloot tabata sinta patras cu Natalee. Kalpoe a laga sa cu nan a bay Faro, pero no manera nan a bisa, ya cu nan no a baha Natalee na Holiday Inn. A declara cu el y su ruman a baha Natalee y Joran cerca di Marriot na un beach. Un rato despues, Joran a manda un mensahe via celular pa Deepak bisando pa nan chat via computer. E caso di e mucha homber Joran van der Sloot ta muestra cu e team investigador ta riba un bon caminda pasobra intervencion cu a start y cu ta continua awe por trece claridad den henter e caso di Natalee, muy en particular cu e interogacion cu



ta tumando lugar di e hoben di 17 aña. Mientras tanto, e dos Surinameño ta para riba cu nan no sa nada di e caso aki. Riba si

John lo lanta un caso contra Pais Aruba, John a bisa cu e tin cu papia ainda cu su abogado over di esey.